



PEDI

## Moya Wa Ka O Nyorilwe!



"Ke bjalo ka tshepe, ge e lleladinokana tša meetse; objalo moya wa ka ge o llela Wene Modimo. Moya wa ka o nyoretšwe Modimo, Modimo wa go phela." Dipsalme 42:1,2.

Mantšu a a mopesalme a lebane le motho mang le mang. Modimo o re dirile mmele, pelo le moya. Ka tsela ye mebele ya rena e kwago tlala ya bogobe le lenyora la meetse, go bjalo le meoya ya rena e nyorelwa Modimo, Modimo yo a phelago. Ge re sa fepe mmele, ra se o fe meetse, re tlo hwa le ge re sa o fe dijo le dino tše di o swanelago re tlo lwala. Go bjalo le moya, ka gobane motho ga a phele ka bogobe fela empa ka lentšu le lengwe le le lengwe la Modimo. Yesu o rile: Bogobe bja bophelo ke nna. E a tlogo go nna a ka se ke a kwa tlala; e a ntumelago a ka se ke a ba a nyorwa. Bogobe bya makgonthe ke bjo bo tšwago legodimong. Johane 6:32,35. "Ruri, ruri, ke a le botša, e a ntumelago o na le bophelo bjo bo sa felego. Bogobe bja bophelo ke nna. Bogobe bjoo bja go phela, bjo bo fologilego legodimong, ke nna. Ge motho a eja bogobe bjo bja ka, o tlo phela go ya go ile." Johane 6:47,48,51.

Gomme meetse a nna ke tlo go mo fa, mo go yena a tlo ba mothopo wo o tšwago meetse a go iša bophelong bjo bo sa felego. Johane 4:10-14.

Yesu, Lentšu la Modimo, e a tlliego a ba nama a dula magareng a batho, ke Yena e a lego bogobe bja bophelo bjo bo horišago me ke Yena a nnoši e a re fago meetse a bophelo a go tima lenyora la meoya ya rena. Ga go na se sengwe mono lefaseng se se kago re fa bophelo bjo bo sa felego me se se kago re kgotsfatša go ya go ile. Tšhelete, boithabišo, basadi, banna, go tsebega, go hlomphega, mabjalwa, go bina, metsoko, patše le ge e le tše dingwe tša mohuta wo, ga di kgone go tima lenyora la moya wo o sa hwego. Monna wa mohumi, yo Yesu a boletšego ka yena, o be a na le dilo tšeo ka moka, empa mafefelong, ge a le sekoting sa mollo, okile a ba le lenyora le le sa felego. A ba a kgopela gore Latsaro a inc monwana wa gagwe meetsing a time leleme la gagwe ka ge a le bohlokong kgabong ya helle, empa Latsaro o be a sa kgone go mo thuša.

Mogweraka, tlogela go leka go fepa moya wa gago ka dilo tša lefeela la lefase. Di a go fora. E ka re di tlo go kgotsfatša, anthe di tlogo tlogelela tlala le lenyora le le fetišago. "Go tlo etša mola wa tlala ge motho a lora dijo, a re go phafoga a dumala; le mola e a nyorilwego ge a lora meetse, a re go phafoga a hwetša a sa lapile, a sa kgalegile." Jesaya 29:8. Ge o sa fepe moya wa gago ka bogobe bja bophelo o sa o nwiše meetse a bophelo bjo bo lego go Krete, o tlo hwa. Menate ya sebe ga se dijo tša moya. Modimo o re bopile me a re dira moya wo o phelago. Ke Modimo fela yo a kgonago go kgotsfatša tlhologelo le lenyora la meoya ya rena. Meoya ya rena e llela Modimo yo a phelago gore e kgotsfatšwe. Ge re sa e dumelele go kgotsfatšwa ke Modimo, re tla lahlega ra bolawa ke lenyora le tlala mollong wo o sa timego wa helle.

Yesu o tllie a etšwa legodimong a le bogobe

bja bophelo, a tla go fepa meoya ya rena le go tima lenyora la moya ka meetse a bophelo. Amogela Yesu ka pelong ya gago ka tsela ye o jago bogobe bja go fepa mmele wa gago ka yona, o tlale Moya o Mokgethwa woo Yesu a o rometšego lefaseng go ba sediba sa bophelo mo go wene, go go fa lesedi, maatla le go go iša therešong.

Yesu o itše: "E a jago nama ya ka, a enwa madi a ka, o na le bophelo bjo bo sa felego, me ke

## Kgato Ya Pele Ye E Išago Legodimong.

Modimo o re file tsela ya nnete ye e re išago legodimong. Re swanetše go tšea ka tsela yeo Modimo a re lokišeditšego yona. Bonamelo bjo bo yago legodimong bo na le dikgato tše dintši. Re bolela ka enngwe ya dikgato tše digolo:

Kgato ya mathomo ya go ya go Modimo ke "TSHOKOLOGO". Johane mokolobetši o ile a ruta a re: SOKOLOGANG, gobane mmušo wa magodimo o batametše. Mateo 4:17. Baapostola ba rutišitše batho go sokologa. Petro o itše: SOKOLOGANG; ka moka le kolobetšwe leineng la Yesu Krete. Ditiro 2:38. Ke gona itsholeng ge, le SOKOLOGE, gore le phomolwe dibe tša lena. Itshole o lahle bobo bjoo bja gago; o rapele Modimo, gore mohlongwe o lebalelwe bomenetša bjoo bja pelo ya gago. Bjale Modimo o hlokomologile mabaka a go sa tsebe; gomme mehleng yeno o laela batho bohle thoko tšohle, o re ba boe. Ditiro 3:19; 8:22; 17:30. Yesu, hlogo ya phuthego, o ile a eletša diputhego tše di kgelogilego a re: Bjale gopola mo o wetšego fase, o SOKOLOGE. SOKOLOGA, gore ke se tlo go tlela ka pela ka lwa le batho bao ka lerumo la molomo wa ka. Ba ke ba ratago ke a ba sola, ke a ba etetša. Phafoga ge, o SOKOLOGE. Kutollo 2:5,16; 3:19. TSHOKOLOGO ke go ya go Modimo ka go tlogela bophelo bja kgale bja sebe le lefeela la lefase, wa latela Yesu wa dira se se lego thato ya Modimo. Ditiro 11:21; 14:15; 17:30. TSHOKOLOGO e lebane le badiradibe le ba go se dumele ka moka gammogo le bao ba lego bakreste ka leina fela empaba phela sebeng me ba hwile moyeng. 2 Ba-Korinthe 12:21.

TSHOKOLOGO e dira gore motho a tlogele sebe, a lahle medimo e šele, bongaka (go phasa) botagwa, bootswa, go utswa, go bolela maaka le bobo bo fe le bo fe. SOKOLOGANG le lahle dikarogo tšohle tša lena gore di se tlo le lahla. Hese-kiele 18:30-32.

TSHOKOLOGO ke kgoro ye e išago phološong ye e tletšego. Mateo 3:2, Ditiro 2:37,38.

TSHOKOLOGO ke go nyamela sebe se motho a se dirilego. Mateo 26:75, 2 Ba-Korinthe 7:10.

TSHOKOLOGO ke go tlogela sebe. Jobo 34:32.

TSHOKOLOGO ke go ipolela dibe. Luka 15:21, Diema 28:13.

TSHOKOLOGO ke go ikgafela moka go Modimo. Ditiro 9:6.

TSHOKOLOGO ke go bušetša tše di utswitšwego. Luka 19 : 8.

tla mo tsoša ka letšatši la mafelelo. Gobane nama ya ka ke sejo ka go rereša, me madi a ka ke seno ka go rereša. E a jago nama ya ka, me a enwa madi a ka, o dula go nna, le nna ke dula go yena. Ke bjona bogobe bjo bo fologilego legodimong. "E a jago bogobe hjo, o tla phela ka go sa felego." Johane 6 : 54-56,58.

Amogela Yesu, mpho ya Modimo, yo a kgo-tsofatšago moya wo o lapilego ka botlalo, gona bjale.

Moya o Mokgethwa o re lemoša se e lego sebe le go re thuša go sokologa. Johane 16:8.

BA BANGWE BAO BA ILEGO BA SOKOLOGA

Kgoši Dafida o ile a sokologa me a lebalwa. Dipsalme 51:1-11. Daniele o ile a sokologa a emela setšhaba sa gabo me Modimo a mo kwa. Daniele 9:3-11. Kgoši le batho ba Ninife ba ile ba sokologa me motse ka moka wa phološwa. Jona 3:5-10. Morwa wa motimedi o ile a sokologa me a amogelwa ke tatagwe. Luka 15:21. Moapostola Petro o ile a sokologa me a ba a bušetšwa boemong bja gagwe bja mathomo. Mateo 26:75. Saulo o kile a sokologa a tla a ba Paulo moapostola e mogolo. Ditiro 9:1-22.

TSHOKOLOGO YE E SEGO YA MAKGONTHE

Batho ba bangwe ba sokologa, empa tshokologo ya bona ga se ya nnete. Adama o ile a sola Efa, Efa a sola noga ka baka la sebe sa bona. Kgoši Farao o ile a sokologa gore a phonyokge kahlolo ya Modimo, empa tshokologa ya gagwe e be e se yona. Ekišodo 9:27; 10:16. Bileama mo-porofeta o ile a sokologa fela a tšwela pele le leeto la gagwe la go se kgahle Modimo. Numeri 22:24. Kgoši Saulo o ile a sokologa empa a rata go godišwa a se ke a šupa boitsholo mabapi le sebe sa gagwe. 1 Samuele 15:30. O ile a sokologa go se na dienywa tša tshokologo mo go yena. 1 Samuele 26:21. Judase Isikariote o ile a sokologa ka tsela ye e sego yona. Bakeng sa go ipolela go Morena Yesu yo a mo ekilego, o ile a ipolela go baperisita ba baikaketši. Mateo 27:3-4.

Re swanetše go sokologa ra ipolela dibe go bao re sa senyeditšego. Morwa wa motimedi o ile a šupa tshokologo ya nnete. O ile a tsoga a tlogela dikolobe le mong wa gagwe yo mobe a ya a lebilego tatagwe a re: Tata! Ke senyetše legodimo (Modimo) le pele ga gago; me ga ke a swanela go hlwa ke bitšwa morwa wa gago. Luka 15:11-24. Ga a ka a beela yo mongwe molato empa o ile a ipega yena mong, a ba le tumelo tokong le leratong la tatagwe.

TSHOKOLOGO YA MAKGONTHE.

Tshokologo ya makgonthe e tsebja ka dienywa le mediro ya yona. Dienywa le mediro ya tumelo di bonagala ge modiradibe a tlogela dibe tša gagwe ka mogo phethegilego me a bontšha māswabi godimoga ditsela tšeo tša gagwe tša bokgopo. Ge go kgonega, lehodu le tlo bušetša tše le di utswitšego go mong wa tšona. Setagwa se arogana le



bjalwa bja sona. Yo a tshepilego medimo e šele le go phasa o tlo fiša medimo yeo le dithokgola tša gagwe. Monna goba mosadi wa seotswa o tlo lo-kiša bophelo bja gagwe ka lapeng a tlogela go kopana le bakgopo. Sakeo mothediši e mogolo o ile a amogela Yesu ka lapeng la gagwe me a re: Bona Morena, maruo a ka ke a arolela bahloki ka bogare, gomme ge ke amogile motho selo ke se bušetša gane. Luka 19:8.

Mongwadi wa mantšu a o tseba makgolo a badiradibe bao ba itšego ge ba sokologile, ba bušetšadilo tša mehuta-huta tšeo ba di utswitšego go beng ba tšona. Tšhelete, diaparo, diphahlo tša dintlo, dišomišwa, dinku, dikgogo, dikgomo le mefaka di ile tša bušetšwa me ba arogane le metsoko, dikarata dithokgola le melemo, ditaese, ditaola, dithunya le tše dingwe tše bjalo. Ba bantši ba ile ba kgopela tswarelo go bao ba ba senyeditšego me ba hwetša khutšo. Ka baka leo beng ba dilo tšeo di bušeditšwego le bona ba ile ba sokologa ka bontši.


O se ke wa diega, khunama gona bjale o tliše morwalo wa pelo ya gago go Modimo. Go ya ka tshepišo ya gagwe o tlo phomola dibe tša gago a go fa khutšo le bophelo bjo bo sa felego.

## Boikaketši

Boikaketši ke bodumedi bjo bo sego bjona; bo na le sebopego sa bodumedi anthe bo latola maatla a Modimo. 2 Timoteo 3:5, Mateo 23:13, 14. Moikaketši ke motho yo a itirago yo mokgethwa empa o dira sebe sephiring. O dira dilo tše di botse gore a bonwe le go retwa ke batho. O apara diaparo tša bodumedi go khupetša dibe tše dintši. Yesu o ile a bapetša baikaketši le mabitla a a thakgišitšwego ka ntle, mola ka gare a bodile. Moikaketši o hlokomela tlhweko ya ka ntle go phala ka mo a hlokomelago tlhweko ya ka gare. Moikaketši o rapela Modimo fela ka mabaka a matswenyego, malwetšing le dikotsing, goba ge a hloka, empa ge Modimo a mo thušitše, matswenyego a fedile, ga a sa na taba le Modimo, ga a sa na sebaka sa go gwerana le Modimo, o kgaotša go rapela. O swana le Farao yo a ilego a rapela Moše a ipolela sebe sa gagwe le sa setšhaba ge dikotlo di tlile Egipita, empa ge dikotlo di fetile a thatafatša pelo ya gagwe. Ekišodo 9:27-34; 10:16-20. Moikaketši o aahlola, a sola ba bangwe ka baka la dipošo tše nyane, mola yena a na le dibe tše dikgolo. O bona ka pela lehlokwana leihlong la ngwanabo, fela ga a bone kwata ye e lego leihlong la gagwe yena mong. Mateo 7:5. O rata go boloka melawana ya tsamaišo ya phuthego le mekgwa ya batho empa ga a rate go rapela Modimo ka Moya. Mateo 15:2, 7, 8, 9. Moikaketši o rata go dira dithapelo tše di telele eupja ga a na kopano le Modimo ge a le noši phapošing ya gagwe.

Sebe sa boikaketši kalafo ya sona e thatafa gagolo ka gobane se khuta ka tlase ga diaparo tša mediro ya bodumedi. Se dira gore ba ntle le bahe-

tene ba hloye bodumedi bja sekreste. Modimo o hloyile boikaketši ka pelo ya gagwe ka moka. Moporofeta Jesaya o re: Ke mang wešoe a ka gorata go dula fa mollong o tukago? Ke mang wešo e a ka go rata go dula mo mollong wo sa timego neng le neng? Go tlo aga e a sepelago go lokeng, e a bolelago tše di swanetšego. Jesaya 33:14-17. Modiro wa mang le mang o tlo lekolwa ka mollo,



gwa tlo bonala ge e le modirodiro. 1 Ba Korinthe 3:12-15. Go madimabe go moikaketši yo a agago ka mabjang, dikwata le dihlaka tše di tlo go fišwa ka letšatši la kahlolo. Yesu o itše: Phafogelang komelo ya Bafarisei, ke ra boikaketši. Gobane ga go se se utilwego se ka se kego sa utollwa; ga go thopa e ka se kego ya tsebja. Luka 12:1-3. Kgaolo ka moka ya Mateo 23 e ngwaletšwe go re eletša go ila sebe sa boikaketši. Yesu o ile a kga-lemma a ba a eletša bamangwalo le Bafarisei ka baka la boikaketši bja bona. O ile a ba bitša gore ke dinoga le matswinyana a marabe me a re: Le ba madimabe lena bamangwalo le Bafarisei, lena baikaketši, ka gobane le swana le mabitla a a takilwego ka phepa, a nago le ponalo e botse ka ntle, eupja ka gare a tletše marapo a bahu le makgapa ka moka. Mateo 23:26-28.

Mehleng ya bofelo, batho ba tlo tlogela therešo ba latela meoya ye e forago le dithuto tša Sathane, ba bolela maaka le boikaketši. 1 Timoteo 4:3; 2 Timoteo 4:5. Bao ba ka se ke ba phonyokga tahlego ya helle.

### TOKOLOGO.

Re ka lokollwa bjang mo mpholong wo o bolayago wa boikaketši?

Sa mathomo ke go dumelela Modimo gore ka Lentšu le ka Moya wa gagwe a re bontšhe mo moya wo wa boikaketši o re swereng gona. Tshokologo ya nnete le boipolelo bja botlalo pele ga Modimo, le pele ga batho ge go hlokega, ke mathomo a tokologo sebeng seo se segolo se se tebilego. Re swanetše go lemoga gore mahlo a Modimo a kgona go bona tšohle, a bona sebe se sengwe le se sengwe. Re ka khutišetša batho, ra ba ra iphora rena beng, empa re ka se ke ra fora Modimo. O tseba menagano le maikemišetšo a pelo le ditsebe tsa gagwe di kwa se se boletwago sephiring. Re swanetše go gopola gore menagano yohle ya rena e bolela legodimong. Re ka se ke ra khutela mahlo

a Modimo. Ga go na se se khupeditšwego seo se ka se kego sa tšweletšwa, le seo se khutišetšwego se ka se kego sa tsebja. Tshepo ya moikaketši e tlo fela, ka gobane moikaketši a ka se ke a ema pele ga Modimo. Tshepo ya moikaketši ke eng ge Modimo a tšea moya wa gagwe? A Modimo o tlo kwa selo sa gagwe ge mathata a mowela? "Didimo tše di go kgahlago, ke moya wo o robegilego; pelo ge e robegile, ge e setlegile, wene Modimo o ka se e nyatše." Dipsalme 51:17. O ka hwetša tokologo ka tshokologo ya boikokobetšo le ka go ipolela go Modimo, wa tlogela bophelo bja boikaketši wa phela bophelo bja sekreste, bjo mo go bjona go bonalago dienywa tša tshokologo le tša Moya.

## O Se Ke Wa Ba Mankgagane.

Mankgagane o bjalo ka nonyana empa ga se wona nonyana. O bjalo ka legotlo empa ga se legotlo. Ga se nonyana e bile ga se legotlo. O rata leswiswi go feta seetša. Ke seswantšho sa ba bantši bao ba bitšwago gore ke bakreste, bao ba yago kerekeng ka Sontaga, empa gare ga beke ba ya ditansing, dipaesekopong, ba tagiwa ba dira dibe bjalo ka ba ditšhaba. Ka tšatši le lengwe ba itira e ke ke bakreste, ka tšatši le le latelago ba bjalo ka badiradibe ba lefase le ba go se dumele. Ba bonagala e ke ke bakreste, empa dipelong tša bona ba sa gomaretše bohetene bjola bja kgale bja medimo e šele, ba dumelelana le Sathane, yo e lego modimo wa lefase le, ba dira dibe tšohle ka mehuta ya tšona. Ba leka go šomela Modimo le Sathane. Ba bjalo ka mankgagane, ga se nonyana, e bile ga se legotlo, ba rata leswiswi go feta seetša. O se ke wa ba mankgagane. Eba mokreste wa makgonthe. Modimo o re: E ka be e le kaone ge o tonya goba o fiša. Bjale, ka ge o le yo bololo fela, o sa fiše le ge e le go tonya, ke tlo go tswa molomong wa ka. Kutollo 3:15,16.



The popular "Heart Book" with its soul-saving message is obtainable in over 500 languages. Many have found salvation even just by looking at the pictures.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For **free** Gospel literature, books and tracts in over 540 languages, write to:

EMAIL: [info@angp.co.za](mailto:info@angp.co.za)

**ALL NATIONS GOSPEL PUBLISHERS**

**P.O. Box 2191, PRETORIA, 0001, R.S.A.**

(A Gospel Literature Mission financed by donations)

(Reg. No. 1961/001798/08)